



淨土 旨訣

清·道霈法師 著

佛陀教育基金會 印

清·道霽禪師(字為霖)著述

淨土旨訣



佛陀教育基金會 印贈

佛曆二五五一年／西元二〇〇七年六月

恭印二〇〇〇本

CH864-6636

普爲出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

淨土旨訣

發行人：林國營

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(〇二)二三九五——一九八

傳真：(〇二)二三九一——三四一五

劃撥戶名：財團法人佛陀教育基金會

劃撥帳號：〇七六九四九九

銀行名稱：台北富邦銀行東門分行（請於電匯或轉帳後告知本會用途）

帳號：五八〇二一〇一九三三一三

本會經書免費結緣之請取方式如下：

(一) 親臨佛陀教育基金會三樓講堂

(二) 利用傳真：(〇二)二三九六一五九五九

(三) 網址：<http://www.budaedu.org/books/>

(四) 寫信指名：佛陀教育基金會法寶流通股

(五) 撥打電話：(〇二)二三九五——一九八分機：一一、一二或二三

爲提高服務效率，請您嚴謹考量，慎選所需經書；儘量利用前面四種方式請取，若用(二)至(四)項，請詳寫經書名稱、冊數及收件人姓名、地址、電話、郵遞區號，以減少本會之處理時間；大量申請，請註明用途，儘量少用電話，以避免姓名、地址等文字上書寫之錯誤；若用電話，請長話短說，讓本會能順暢服務更多之大眾。

◎本會網站，講經音檔、文字檔。內涵豐富，請多利用
本會經書，歡迎翻印（請勿增刪），贈送流通，功德無量
行政院新聞局出版事業登記證局版臺業字第三八六九號

淨土旨訣 / (清)道霈禪師著述. -- 臺北市 :
大乘精舍印經會, 民89
面 : 公分. -- (大乘叢書 ; B072)

ISBN 957-8389-39-6(平裝)

1. 淨土宗 - 語錄

226.55

89005391

淨土旨訣序

佛祖門庭方便不一而求其直截簡易廣大精微無如淨土一門昔人謂生死海中念佛第一非虛語也嘗稽彌陀經中如來親宣六方共讚而諸大乘經論亦皆勸進叮嚀至如歷代宗匠如天台南嶽長蘆永明慈受中峯諸師無不極力讚揚者良以此之法門以之自利則一生可以取辦以之利人則三根可以竝收而究其旨歸又與禪宗之旨合所謂禪者淨土之禪淨土者禪之淨土誠匪誣耳佛法下衰真修者

尠叅方之士偶得一知半解便乃高談向上鄙薄淨
 行甚至祖師解粘去縛之語會作實法滔滔皆是往
 而不歸識者憂之謂其自失善利且成謗法之愆深
 可懼也 寶福霖公大師親承鼓山法印坐道場二
 十餘年宗風遠播法雨遐霑真一時禪海哉乃提唱
 之餘極讚淨土師嘗有言曰老僧志在宗門行在淨
 土旨哉斯語蓋與天台永明諸師密修顯化若出一
 轍者矣余早沉世網晚慕空宗辛酉之春曾有淨土
 八問蒙師剖晰是秋復承遠寄旨訣一書中多開示

念佛及書序問答偈讚共若干篇博引佛言廣參祖
語決定證信詞簡旨深伏讀再三然後歎是書之爲
至要也禪淨行人果能直下知歸識取自己本地風
光則曰禪曰淨土兩俱剩語如其未然則是書乃淨
邦之階梯亦別傳之寶鑑哉

康熙甲子臯月上浣溫陵弟子龔錫瑗盥手拜譔



淨土旨訣目次

溫陵龔岸齋居士請示修淨業法語

八則

答岸齋居士淨土八問

淨土曾說

示德彰禪人

示惟祥禪人

示黃蓮實道者

曾勸念佛文

曾勸念佛放生文

重刻王龍舒居士淨土文序

重刻天如禪師淨土或問序

答張確菴太史書

善導和尚普勸念佛偈

演善導和尚念佛偈八句句各一首

示念佛偈

西方三聖贊

阿彌陀佛贊

鼓山爲霖和尚示修淨土旨訣

溫陵龔岸齋居士請示修淨業法語

八則

念佛法門諸經攸讚彌陀經中六方諸佛各出廣長
舌徧覆三千說誠實言者正恐衆生信不及故吐舌
示之證其言無虛妄令諦信也蓋此乃難信之法經
云不可以少善根福德因緣得生彼國難信能信卽
是多善根多福德多因緣之人

念佛一門具無量法門蓋佛有三身土有四土淨業
行人各隨自力量或念法身佛願生常寂光土或念

報身佛願生實報莊嚴土或念化身佛願生方便同居兩土然三身只是一身四土原是一土總以法界爲體故所以圓機之士一以貫之如善財童子最初於妙峰山頂叅見德雲比丘得普賢念佛三昧卽是其人也

念化身佛者高齊有大行和尚宗崇念佛云四字教詔謂信憶二字不離於心稱敬兩字不離於口謂往生淨土要須有信信千卽千生信萬卽萬生信佛名字不離心口諸佛卽救諸佛卽度心常憶佛口常稱

佛身常敬佛始名深信任意早晚終無再住閻浮之
理此卽約念化佛生方便同居土警策初心最爲切
要

念報身佛者六十萬億那由他恒河沙由旬是佛之
身無量無邊不可思議阿僧祇劫是佛之壽日澄四
海毫映五山光明無有涯眷屬不知數左侍觀音右
翼勢至一稱名字滅八十億劫生死重罪一觀聖像
獲相好八萬四千夫佛身之大旣云六十萬億那由
他恒河沙由旬則娑婆相去極樂不過僅十萬億土

之遙若然則娑婆世界三途六道一切衆生盡在阿彌陀佛心腹之間時時懷育我時時攝受我時時放光照燭我無奈衆生不知不信不見若是有福德善根男子如是知見信向發廣大願願生彼國全體卽是舉念卽到夫何遠之有若能如是念報身佛卽生實報莊嚴土也

念法身佛者大乘起信論云如修多羅說若人專念西方極樂世界阿彌陀佛所修善根迴向願求生彼世界卽得往生常見佛故終無有退若觀彼佛真如

法身常勤修習畢竟得生住正定故觀無量壽佛經
云阿彌陀佛是法界身徧入一切衆生心想中是故
汝等心想佛時是心卽是三十二相八十隨形好是
心作佛是心是佛夫天地同根萬物一體諸佛法身
卽衆生本覺真心諸佛無別所證全證衆生真心心
佛衆生三無差別云是心作佛者明卽心變全性成
修是心是佛者心外無佛佛外無心此觀不獨是觀
乎本性乃是托他果佛顯乎本性以同體故故先明
應佛入我想心次明如來法身全是行人本覺心體

無二無別又大品般若云諸法如卽是佛金剛云如
來者卽諸法如義旣以如爲佛一切法皆如也何法
非佛所以衆生無明妄想顛倒攀緣以及山河大地
草木叢林牛馬猪羊微細昆蟲皆是阿彌陀佛真淨
法身行人若能如此念法身佛住於正定必生常寂
光土也

維摩詰經云欲得土淨當淨其心隨其心淨則佛土
淨然淨心之法別無他術唯一心念佛六根都攝最
爲切要故古德云清珠投於濁水濁水不得不清念

佛投於亂心亂心不得定先師云心淨佛土淨此理萬難移藕絲如未斷能牽大衆馳皆是真實語

父母所生之身六塵緣影之心生住異滅念念密移刹那變壞無可憑恃所以現前身心正當痛自看破般若心經云照見五蘊皆空度一切苦厄拘留孫佛偈云見身無實是佛身了心如幻是佛幻了得身心本性空斯人與佛何殊別淨業行人當如是照如是了觀身實相觀佛亦然益生佛一體無二無別也華嚴一部乃如來五時首唱稱性極談汪洋冲融廣